

San Pablo Titore chũ'o tocha saosi'ea'me

Pabloji Titoni sēmũ

¹ Chũ'ũ, Pablo, Dios chũ'ũñe cho'oche cho'okaikũ'mũ. Jesucristoji chũ'ũre saosi'kũa'mũ Dios chũ'ore chũ'vaa'kũ chini, Dios chẽa paajanapi Repaũni cuasajũ jovo Dios chũ'o ũcuarepare masijũ re'oja'che paarũ chini.

² Dios apereparũmũ chuta'a cheja peorũmũ Repaũ pa'icheja pãĩ sani pa'ijachere kũaasomũ. Jorema'kũa'mũ Dios. Diore cuasajũ jovosina ũcuau pa'ichejare ai sani pa'ijanaa'me. ³ Chura Repaũ paanare vati toa sani uuche Ŝsekũji Dios Repaũ chiisirũmũjekũna pãĩpi asa masia'jũ chini chũ'ũni chũ'ũsi'kũa'mũ Repaũ chũ'ore chũ'vaa'kũ chini. ⁴ Tito, chũ'ũ ie chũ'o tocha saomũ mũ'ũre. ¿Pa'ikũ mũ'ũ? Mũ'ũre rũa cuasamũ chũ'ũ. Chũ'ũpi mũ'ũni Dios chũ'ore kũaũna Repaũni cuasakũ jovosi'kũa'mũ mũ'ũ. Jã'ajekũna chũ'ũ chĩija'iu pa'imũ mũ'ũ chũ'ũre chura. Jesucristo'te maire vati toa sani uuche Ŝsekũni Ũcuate'eu'te cuasanaa'me mai. Repaũ Jesucristo mai Ja'kũ Diona'me mũ'ũ rekochona re'oja'che pa'iche'te cho'okaijũna re'oja'che pa'ijũ'ũ.

Tito cho'ojachere kũamũ Pablo

⁵ Chũ'ũ mũ'ũna'me Creta juupo pa'iu mũ'ũre jo'ka ranisosi'kũa'mũ, mai cho'o pi'nimanesi'ere mũ'ũpi na'a pa'iu cho'o pi'nia'kũ chini.

Mu'ure chũ'usi'kua'mu chu'u Jesure cuasana pa'ijoopoã si'ache repajoopoã ku'ia Jesure cuasanare chũ'ujũ kuirajanani, ainani jña jo'kaa'ku chini. ⁶ Ija'che pa'inani chëajũ'u: Jesure cuasanare chũ'ujana ija'che paaru: Cu'ache cho'oma'ñe paaru pãipi cu'ache cutumanea'ju. Romi te'enarechi'a paaajũ. Repana mamachĩ Jesure cuasaju puka'kupã chũ'ũñe jachama'ñe paaru. Mamachĩipi ũcuache cu'ache cho'oto puka'kupã pã chũ'ucua'mu. ⁷ Jesure cuasanare chũ'unari, repa chũ'unare re'oja'che paaju, Diore cho'oche cho'okaaru. Cu'ache cho'omanea'ju repa. "Chukuna na'a rua masime", chini chekuna i'kache asacuhemanea'ju. Na'mi pe'rumanea'ju. Cono jũ'imanea'ju. Chekunare vaimanea'ju. Kurineemanea'ju. ⁸ Jesure cuasanare chũ'unari ija'che pa'ito re'omu: Chekunare pã so'ña rainare ãuna'me kãiruu ĩsia'ju. Chekunare re'oja'che cho'okaiju paaru. Dios chũ'ũñe'te cho'oa'ju, cho'ouama'tojẽ'e. Chekunana'me re'oja'che pa'iju Dios chiiche'te cho'oa'ju. Chekurumu cu'ache cho'ouatojẽ'e cho'omanea'ju. ⁹ Jesure cuasanare chũ'unari chu'u che'chosi'ere Dios chu'o ũcuarepare jmamakaruẽ'e jo'kasoma'ñe cuasaju paaru, pã ke'retojẽ'e. Jo'kasomaneni chu'u che'chosi'ere chu'o chekunani che'chomasijanaa'me repa. Ūcuachi'a jorechu'o che'chonare chu'vamasijanaa'me repa chu'vachu'ore asa chëaa'ju chini.

¹⁰ Dios chu'o jachana jainukoame, peoche

i'kaju jorena. Judíopāi rua jainuko jā'aja'ñe cho'ome. Ɛmupāi ũcuanukore ija'che i'kame: “Musanukonapi jĩkochã'tiro chuto tuacojñoma'to Dios pa'icheja saicu'aja'mu”, chiime repaña. Joreme. ¹¹ Repanare Dios chu'o jachanare ũsejũ'u, cu'ache che'chomanea'ju. Kurire kooñu chini cu'ache che'chome repaña. Jā'aja'ñe che'choju te'evũ'ña pa'inare ũcuanukore cacu'ojũ pa'ime. Jā'ajekuna repaña cho'ochete ũseto rua re'omu. ¹² Aperumu Creta juupo pa'iku rua masiũji ija'che i'kaasomu: “Creta juupo pa'ina ũcuanuko jorenapi āi ainaa'me. Pa'ivesuju, ñameju, vaineeku, cu'ava'na pa'icheja'che pa'inaa'me”, chiniasomu repau. ¹³ ũcuarepaa'me repau i'kasi'e. Jā'ajekuna repacheja pa'inare rua chu'vajũ'u, Dios chu'ore asa chẽa cuasaju paaru. ¹⁴ Rua chu'vajũ'u repanare, judíopāi aichu'o kuache'te jorechu'ore asa chẽa Dios chu'o ũcuarepare jachana chũ'uñe'te cho'omanea'ju. ¹⁵ Pāi re'ojarekoñoã paana re'oja'chechi'a cho'onaa'me. Pāi cu'arekoñoã paanata'ni, cu'achechi'a cho'onaa'me. Dioni jachaju, cu'ache'te cuasaju re'oja'che cho'ovesume repaña. ¹⁶ Repaña cu'ache cuasana, “Diore cuasanaa'me chukuna”, chiinata'ni re'oja'che cho'omapuna ña jachame pāi repanare. Dios peore, “Cho'omanejũ'u”, chiisi'ere cho'ojuna pe'rumu Dios repanare. Dios chũ'usi'eta'ni cho'oma'me. Re'oja'cheta'ni jmamakarujẽ'e cho'ovesunaa'me repaña.

Pablo Tito che'chojachere kɛamɛ

¹ Mɛ'uta'ni, re'oja'chechi'a che'chokɛ pa'ijũ'ɛ, Dios chɛ'o ũcuarepare. ² Ƴmɛpãi ainare ija'che che'chojũ'ɛ: “Re'oja'che pa'ijɛ, cono jũ'ima'ñe pa'ijũ'ɛ, chekɛna pãi ña kɛkɛa'jɛ mɛsanɛkonare. Cu'ache cho'oche jɛvomasijɛ cho'oma'ñe pa'ijũ'ɛ. Diore masi cuasajũ'ɛ. Pãi ũcuanɛkore oijũ'ɛ. ũcuachi'a mɛsanɛkonare cu'ache ti'jñeto Diore cuasache ũhasomanejũ'ɛ.” Jã'are che'chojũ'ɛ ɛmɛpãi ainare. ³ ũcuaja'che romi ainare ija'che che'chojũ'ɛ: “Re'oja'che pa'ijɛ Dioni cuasajɛ pa'ijũ'ɛ. Chekɛna pa'iche ñani cu'ache cutumanejũ'ɛ. Cono jũ'ima'ñe pa'ijũ'ɛ. Re'oja'che cho'oju pa'ijũ'ɛ, mɛsanɛkona pa'iche'te chekɛnapɛ ña chɛa paapɛ. ⁴ Romichĩire re'oja'che che'choñu chini jã'aja'ñe pa'ijũ'ɛ. Mɛsanɛkona airomipi romichĩi ɛmɛ pa'inare ija'che che'choto re'omɛ: ‘Mɛũjɛre cuasajɛ pa'ijũ'ɛ, chĩiva'nare ũcuachi'a. ⁵ Masi cuasajɛ cu'ache cho'oma'ñe pa'ijũ'ɛ. Ñamema'ñe masi kuirajɛ pa'ijũ'ɛ chĩiva'nare, pɛka'kɛre ũcuachi'a. Chekɛnare pãi ña oijɛ pe'kerɛji i'kajɛ pa'ijũ'ɛ. Romi mɛsanɛkona ɛjɛpãi chũ'ũñe jachama'ñe cho'oju pa'ijũ'ɛ. Jã'aja'ñe pa'ijɛna pãipi ñani, Diore cuasanajejɛ re'oja'che pa'inaa'me jã'ana, chiijanaa'me mɛsanɛkonare. Cu'achɛ'o i'kachejẽ'e peoja'mɛ repañare.’ ” Airomipi romichĩire jã'aja'ñe che'choto re'omɛ.

⁶ ũcuachi'a pɛsɛpãire ija'che che'chojũ'ɛ: “Mɛsanɛkonare cu'ache cho'oɛatojẽ'e re'oja'chechi'a cho'oju pa'ijũ'ɛ”, chiijũ'ɛ

repanare. ⁷ Mũ'ujě'e repaña ñajũ'te si'arũmũ re'oja'chechi'a cho'ojũ'ũ, mũ'ũ pa'iche'te ña chěaa'jũ. Repanare chũ'vani jmamakarũjě'e jorema'ñe chũ'vajũ'ũ. Apema'ñe rũhiñe che'chojũ'ũ repanare. ⁸ Si'arũmũ chũ'o ũcuarepare i'kakũ pa'ijũ'ũ, pãipi mũ'ũni cu'ache cutumanea'jũ. Re'oja'chechi'a i'kajũ'ũ maire cuhenapi cu'ache i'kama'ñe paarpũ. Cu'ache cho'omanajejũna maire cu'ache i'kavajũchũjanaa'me repaña.

⁹ Pãi chekũnare cho'oche cho'okainare ija'che chũ'vajũ'ũ: "Mũsanũkonare paana chũ'ũñe peore re'oja'che cho'ojũ'ũ, repanapi ña pojoa'jũ. Mũsanũkonare chũ'ũto ke'remanejũ'ũ repanare. ¹⁰ Repaña nee jmamakarũjě'e ñaasokaimanejũ'ũ. Re'oja'che pa'ijũ'ũ, mũsanũkonani repaña cu'amajñarũã kuirache'te jo'kavajũchũmanea'jũ. Re'oja'chechi'a cho'ojũ pa'ijũ'ũ, mũsanũkona pa'iche'te pãipi ña ũcuanũko, 'Dios vati toa sani uuche Ɖseku chũ'o rũa re'oja'imũ', chiijũ masia'jũ." Jã'aja'ñe chũ'vajũ'ũ cho'oche cho'okainare.

¹¹ Diopi oiũ re'oja'che Cho'okaikũjekũ Repaũ paanare vati toa sani uuche ũsemũ. Pãipi Repaũ pa'iche'te masia'jũ chini ũcuanũkore re'oja'che cho'okaikũ'mũ Dios. ¹² Diopi maini re'oja'che cho'okaiũna re'oja'che pa'imasiinaa'me mai. Dios maire che'chokũ'mũ Repaũ, "Cho'omanejũ'ũ", chii'si'ere cho'omaneajũ chini. Che'chomũ maire, ũcuauache cu'ache cho'oũatojě'e re'oja'chechi'a cho'ojũ paarpũ chini. Che'chomũ, maipi chekũnani re'oja'che ja'me paarpũ chini. Che'chomũ maire, icheja cheja pa'inapi Repaũni

masi cuasaa'jũ chini. ¹³ Icheja chejare pa'ijũ pojojũ cha'ame mai, Jesucristo jo'e cajejachere. Maire vati toa sani uuche Æsekũ, Peore Masikũ, Jesucristo re'oja'che ñoũ ko'sija'ia cajeja'mũ. Dioa'mũ Repaũ. ¹⁴ Repaũ Jesucristo maini oiũ vati toa sani uuche'te Æsekũ jũ'iñe cuhema'ñe mai cu'ache cho'oche jũni ro'ikaisi'kũa'mũ. Ûcuachi'a mai rekoñoãre care'vakasa chini jũni ro'ikaisi'kũa'mũ, maipi cu'ache cho'oche'te ũhaso re'oja'che cho'ojũ paapũ chini. Maini paara chini jã'aja'ñe cho'osi'kũa'mũ Repaũ.

¹⁵ Tito, ie chũ'ũ tochasi'e peore che'chokũ pa'ijũ'ũ mũ'ũ. Repaũ chũ'ore chũ'vaa'kũ chini Dios mũ'ũre chũ'ũsi'e Repaũ'te masi cuasanare chũ'vakũ pa'ijũ'ũ, ũhasomanea'jũ. Ûcuaja'che masi cuasamanare Dios chũ'ũñe'te rua i'kajũ'ũ masi cuasaa'jũ. Ûcuanũkore masi chũ'vajũ'ũ, mũ'ũni jachamanea'jũ.

3

Jesure cuasana re'oja'che pa'iche'te kũamũ

¹ Repacheja pa'inare Jesure cuasanare si'arũmũ ũcuanũkore ija'che chũ'vakũ pa'ijũ'ũ: "Pãi chũ'ũnare jachama'ñe cho'ojũ pa'ijũ'ũ repaña chũ'ũñe. Repaña cho'oũseche cho'oma'ñe pa'ijũ'ũ. Re'oja'che cho'ochechi'a cuasajũ pa'ijũ'ũ. ² Pãi chekũna pa'iche ñani te'eũ'terejẽ'e cu'ache cutumanejũ'ũ. Chekũnare ke'rema'ñe pe'kerũji i'kajũ pa'ijũ'ũ. 'Na'a rua masime chũkũna', chiĩma'ñe, chekũnare ruarepa chũ'ũma'ñe pa'ijũ'ũ,

Jesure cuasanana'me cuasamanare.” Jã'aja'ñe chũ'vajũ'u repanare.

³ Aperumũ mai ũcuachi'a rũa cu'ache cho'ojũ pa'isinaa'me Jesure chuta'a cuasamarumũ. Pãi chũ'unare rũa jachasinaa'me. Cu'ache cuasajũ re'oja'chejẽ'e cho'ovesusinaa'me mai. Ũcuauache cu'ache cho'ojũ pa'inajejũna, re'oja'che cho'ocu'asi'kua'mũ maire. Pãi chekũnare rũa cuhesinaa'me mai. Mai ũcuachi'a sãĩnechi'a cuhesinaa'me. Pãi ũcuachi'a rũa cuhesinaa'me maire. Pãire cuhejũ cu'ache cho'ojũ pa'isinaa'me mai. Pãi chekũnare re'oja'che ti'jñeto pe'rusinaa'me mai. Jã'aja'ñe pa'isinaa'me mai aperumũ.

⁴ Jã'aja'ñe pa'inareta'ni oisi'kua'mũ Dios maire. Dios Repau chiisirumũ tí'auna chejana raosi'kua'mũ Jesure, mai cu'ache cho'ochete jũni ro'ikaau chini. ⁵ Ija'che i'kama'kua'mũ Dios: “Re'oja'che cho'onajejũna cho'okaimũ chũ'u inare”, chiima'mũ Dios maire. Cu'ache cho'onareta'ni maini oiũ vati toa sani uuche ũsesi'kua'mũ Repau maire. Repau chĩ paapu chini mai cu'arekoñoã paasi'e re'ojarekoñoã care'vasi'kua'mũ Repau. Mai rekoñoãna Ũcuau Rekocho'te rao mamarekoñoã cho'osi'kua'mũ Repau maire. ⁶ Dios cuhema'ñe Ũcuau Rekocho'te raosi'kua'mũ maire si'ache cho'okaau chini, Jesucristoji maire vati toa sani uuche'te

Ësekũ jũni ro'ikaisi'jekũna. ⁷ Dios maire oiũ rupũ cho'okaiũ cu'ache cho'omanare cuasacheja'che cuasamũ, na'a pa'isirumũna mai Repau chĩijejũ Ũcuau pa'ichejare ai sani paapu chini. Jã'are cha'ame mai. ⁸ Ie chũ'o chũ'u

tochasi'e peore ũcuarepaa'me. Jã'ajekuna iere chu'o si'arumũ che'chokũ pa'ijũ'u, repacheja pa'inapi Diore cuasanapi chekunare re'oja'che cho'okaijũ paapũ chini. Repanani jã'aja'ñe cho'oto rũa re'omũ. Chekunare pãĩ ũcuachi'a, repana ti'jñe re'oja'che cho'ojanare ũcuanũkore re'oja'che pa'ija'mũ.

⁹ Mai vesuche'te chekunapi sãĩnechi'a cututo ja'me cutuma'ñe pa'ijũ'u mũ'u. Pãĩ te'ena aipãĩ aperumũ chĩi jojosi'ere aichũ'opi jorejũ kuato ja'me cutumanejũ'u. Ũcuachi'a judío aipãĩ chũ'usi'ere cutujũ sãĩne pe'rujũ pa'imanejũ'u. Rupũ peoche i'kache'me jã'a. Jã'are cutujũ re'oja'che pa'iche che'chemanaa'me mai. ¹⁰ Pãĩ te'ena cu'ache cutume, chekunapi cavajũ sãĩnechi'a cuhejũ ja'me pa'imanea'jũ chini. Jã'aja'ñe cutunare ũsejũ'u jo'e cutumanea'jũ. Jo'e cu'ache cututo jo'e te'echo i'kajũ'u repanare. Ka'chañoã i'kasi'ere cuhama'ñe ũcua cututo chekunare Jesure cuasanare ja'me pa'iche ũsejũ'u repanare. ¹¹ Jã'aja'ñe pa'ina cu'anajejũ ũcuarepa cho'omanaa'me. Cu'ache cho'ojana repa na cu'arekoñoã paache masime pãĩ.

Tito cho'ojachere kwamũ Pablo

¹² Icheja pa'iku'te te'eũ'te mũ'u pa'ichejana saoja'mũ chu'u, chekurumũ Artemani, chekurumũ Tíquiconi. Repaũ saisirumũ saire'oto Nicópolis vũ'ejoopona pesa sani tijñajũ'u chu'ure. Ũcuajoopona sani canũka okorumũ si'achetu'ka pasa chiimũ chu'u. ¹³ Ũcuachi'a Roma chũ'una chũ'ujuna tochasi'e rũa masiku'te Zena'te Apolona'me mũ'u

pa'ichejana saisirumũ cho'okaijũ'ũ repanare, jo'e re'oja'che kuhapũ chini. Ũcuauache repana chiiche karato isijũ'ũ repanare. ¹⁴ Ũcuaja'che Jesure cuasana repacheja pa'ina, chekũnare re'oja'che cho'oche che'che sãĩñechi'a kuirato, repana chiiche karamaneja'mũ. Ũcuachi'a repanapi re'ona pañu chini re'oja'che cho'ojũ paapũ.

Tocha pi'nicuhasi'ea'me

¹⁵ Chũ'ũre ja'me pa'inana'me, chũ'o saomũ chũ'ũ mũ'ũre. Jesuni cuasajũ chũkũna'te cuasanare chũ'o sa kuakaijũ'ũ mũ'ũ. Diopi mũsanũkonare ũcuauũkore rũa re'oja'che cho'okaau, re'oja'che pa'imasia'jũ chini.

Pablo

Dios Chu'o Kuaphuro
Koreguaje: Dios Chu'o Kuaphuro New Testament
copyright © 2009 Wycliffe Bible Translators, Inc.

Language: Koreguaje

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022
87a345ac-83c6-51ad-8750-17a703f38bcc